




SURAT KELILING
JABATAN PERDANA MENTERI BILANGAN 7/2004
NEGARA BRUNEI DARUSSALAM

PENGISTIHARAN DITEGAH MEROKOK
DI SEMUA BANGUNAN KERAJAAN

Sebagai usaha yang berterusan kearah meningkatkan kesedaran orang ramai di negara ini tentang bahaya rokok dan merokok, Kerajaan Kebawah Duli Yang Maha Mulia Paduka Seri Baginda Sultan dan Yang Di-Pertuan Negara Brunei Darussalam telah mengambil beberapa inisiatif tertentu dalam membendung gejala-gejala buruk akibat daripada tabiat merokok. Salah satu usaha yang telah dilaksanakan kearah ini melalui Surat Keliling Jabatan Perdana Menteri bilangan 9/1994 ialah dengan mengistiharkan semua Bangunan-Bangunan Kementerian-Kementerian dan Jabatan-Jabatan Kerajaan sebagai tempat ditegah merokok.

Dalam hubungan ini, walaupun tegahan tidak merokok di Bangunan-Bangunan Kerajaan telah berkuatkuasa hampir 10 tahun yang lalu, Jabatan ini telah mendapati masih terdapat ada kalangan Pegawai dan Kakitangan serta orang ramai yang mengunjungi bangunan-bangunan Kerajaan tidak mengindahkan larangan berkenaan. Antara punca-punca yang dikenalpasti penyebab berlakunya kejadian tersebut adalah kurangnya komitmen dari Ketua-Ketua Jabatan dalam menguatkuasakan larangan tersebut di Jabatan masing-masing serta kurangnya tanda-tanda pelekak "DITEGAH MEROKOK" ditempat-tempat tertentu dalam bangunan kerajaan yang seringkali dikunjungi orang ramai.

Menyedari akan hakikat ini, Kerajaan Kebawah Duli Yang Maha Mulia Paduka Seri Baginda Sultan dan Yang Di-Pertuan Negara Brunei Darussalam melalui Kementerian Kesihatan pada 7 Jun 2004 telah melancarkan Kempen Kesedaran Bahaya Rokok dan Merokok "30 HARI TANPA ROKOK" di seluruh negara. Tujuan kempen ini diadakan adalah untuk mempertingkatkan dan mengukuhkan tindakan bersepadu di kalangan agensi-agensi Kerajaan dalam membentaras kegiatan rokok dan merokok disamping mempertingkatkan kesedaran orang ramai di negara ini tentang bahaya rokok dan merokok keatas kesihatan.



Selaras dengan ini, dalam usaha kearah menjayakan kempen tersebut semua Ketua-Ketua Jabatan adalah dengan ini diseru supaya akan dapat mengambil perhatian tentang Surat Keliling Jabatan Perdana Menteri bilangan 9/1994 dan seterusnya mengambil langkah-langkah yang bersesuaian kearah menguatkuasakan sepenuhnya larangan tidak merokok di dalam Jabatan termasuk premis-premis di bawah kawalan masing-masing seperti kantin, sekolah, masjid, dewan serbaguna, hospital dan mana-mana tempat yang tertutup.

Semoga dengan adanya sokongan dan komitmen serta langkah-langkah bersepadu yang diambil oleh semua Kementerian dan Jabatan Kerajaan dalam membendung gejala tabiat merokok dinegara ini akan dapat meningkatkan kesedaran orang ramai tentang bahaya rokok dan merokok terhadap kesihatan dan seterusnya akan dalam mewujudkan amalan hidup sihat tanpa rokok.

Sekian disampaikan untuk makluman dan tindakan yang bersesuaian mengenainya.

PEHIN ORANG KAYA DEWA PAHLAWAN
[Dato Paduka Haji Dani bin Haji Ibrahim]
Setiausaha Tetap

Jabatan Perdana Menteri,
Istana Nurul Iman,
Bandara Seri Begawan BA 1000,
NEGARA BRUNEI DARUSSALAM

Ruj: (7) JPM/SK/2004
Tarikh: 9 Rabiulakhir 1425/8 Jun 2004